

Ruujorilerisoq



Suliassat

Ruujorilerisutut sulinerup iluani annertuumik teknikkikkut ineriartorfiusimavoq, Taamaammat ilinniartitaaneq tamatigoortuuvoq. Ruujorilerisup suliassaassa ilagaat imermut atassusiinerit, kiassaatinik aammalu anartarfinnik ikkussuinerit soorlu erngup aqutissaanik ledningilersuinerit, kissarsuutininik ikkussuinerit aammalu anartarfinnut kuuffiliornerit. Aamma assersuutitut ruujorilerisup makkua sularisinnaavai:

- silap qanoq issusaanut uuttortaatinik aammalu silaanarissarfinnik ikkussuinerit,
- qalissialersuinerimut atatillugu saviminernik ikkussuinerit aammalu silaanarissarfilersuinerit,
- saffiugaq,
- ruujorilerisut sullivianni aaqqissuusinerit aserfallatsaaliinerillu.

Ilinniagaqarnissamut piunasaqaatit

Qinnuteqaateqartoq ilinniakkami aallartinnginnerani suingusaamik sulinissamut isumaqatigiisummik atsiorsimassaaq.

Ilinniagaqarnissamut piunasaqaataavoq meeqqat atuarfianni nalinginnaasumik 11.klassemi soraarummeersimanissaq minnerpaamik agguaqatigiisillugu karakteri 6 angusiffigisimassallugu faagini ukunani kalaallisut, qallunaatut, tuluttut, kisitsinik matematikkilu aammalu fysikki kemiilu.

Ukioq siulleq Sanaartornermik Ilinniartimmi atuarnermi piunasaqaataavoq matematikkimi tunngaviummik misilitsinnermi niveau F-imi aammalu suliffeqarfilerinnermi nutarterinnermilu niveau F-imi angusisimanissaq.

Niveau F tassaavoq meeqqat atuarfianni naggataarutaasumik aammalu 10.klassemi misilitsissimaneq.

Taakkualu saniatigut immikkut suliassanut angusisimanissaq.

Aammattaq tunngavissalimmik suliassanut angusisimanissaq.

Ruujorilerisutut sulinnermi pingaaruteqarpoq peqqissaarluuqqissaarnissaq aammalu kisitsisit allattariarsornerullu tungaatsigut pikkorissuunissaq. Tamatuma saniatigut timikkut nukittuujusariaqarpoq.

Ilinniartitaanerup ilusilersornera imarisaalu.



Faagit suut.

Illoqarfigisami tunngaviusumik atuarfigisami faagit nalinginaasut atuartitsissutigineqartartut tassaapput kisitsineq/namminersortutut aningaasaqarneq, attaveqatigiinneq aammalu ikiueqqaarneq, ataatsimut atuagarsornerit soorlu: matematikki, ilusitsinik naatsorsuuserineq, titartaanermut ilinniarneq, isumannaallisaaneq aammalu sulliivimmi isumannaallisaaneq immikkullu faagit suliaassartai.

Sanaartornermik Ilinniarfimmi tunngaviusumik faagit atuartitsissutigineqartartut tassaapput matematikki, atortussanik ilinniarneq, kisitsineq/teknikki atorlugu uppersaasiorneq, sulissamut paasinnaaneq teknologilu atorlugu ineriartortitsineq aammalu teknikki atorlugu tuluttoorneq, faagit ilinniakkamut tunngasut tassaapput illup iluani ikkussuinerit, elektricitip aqutaanut uiguliuttakkanik suliaqarneq, saviminertassanik suliaqarneq, saviminernik nipititerineq aqerlorternerlu, teknikki atorlugu assiaqusersuineq, ikuallaariaatsineq ilinniarneq, silaanarissarfinnik qalissalersuinerimullu suliaqarneq, innaallagissap qanoq atornissaanut ilinniarneq, kissarsuuserinerup atuagarsornertaa qanorlu aqunneqarnissaa, aaqqissuusineq aammalu ajoqutinik misissuineq.

Misilitsinnerit: Tamatigut atuarfimmiinnermi naggataarutaasumik misilitsittoqartarpoq tassanilu angusisimanissaq piunasaqaataavoq tullissaani atuarmissamut isissutissaammat.

Ilinniarneq naggatarutaasumik misilitsiffiulluni naamassineqartarpoq.

Sungiusaamik sulineq, piffissat atuarfiusut, akunnerit atuarfiusut il.il.

Ukiumi atuarfiusumi siullermi aammalu sap.ak.marluk aallarnisaataasumik atuareernerup kingorna sap.ak.18-nit illoqarfigisami tunngaviusumik atuarfimmiinnissaq kinguneruttarpoq.

Ilinniarneq nikerartumik sungiusaamik sulinerimik aammalu illoqarfigisami tunngaviusumik atuarfimmi aammalu Sanaartornermik Ilinniarfimmi atuarnermik ingerlanneqartarpoq. Ukiut marluk sisamat akornanni nikerartumik sungiusaamik sulinerimik aammalu katillugit sisamariarluni Sanaartornermik Ilinniarfimmi atuarnermik sap.ak.qulit, aqqanik marluk, qulingiluat aammalu qulingiluat ilinniarneq ingerlanneqartarpoq.

Ilinniakkap qaffassarnissaannut periarfissat

Byggeteknikeri, VVS-teknikeri, Sanaartugassanik titartaasartuq.

Paasissutissat pingaarutillit

Ilinniarnep siviissusaa: Ukiut sisamat.

Aallartiffik: Augustusip aallaqaataa.

Attaveqaatit: Illoqarfigisami ilinniarfissanut siunnersorti, illoqarfigisami tunngaviusumik atuarfik aammalu/imall.